

Explicaziuns per la scolaziun minimala da lavurers da guaud

Princip

Lavurs per la racolta da laina dastgan vegnir exequidas professiunalmain en il chantun Grischun mo da tals che disponan da la scolaziun fundamentalala (resp. experientscha) necessaria e d'ina conferma correspundenta da l'uffizi da guaud e privels da la natira.

Definiziuns

Professiunalas èn lavurs da racolta da laina, sch'ellas succedan cunter pajament e/u sche la laina vegn vendida vinavant.

Per l'agen diever dastgan vegnir duvrads sin il pli 30 Tfm per persuna e per onn senza ina scolaziun minimala. I n'è betg d'impurtanza che la laina vegn or da l'agen guaud u sch'ella sto vegnir cumprada.

Da lavurs da racolta da laina sa tracti, sche plantas cun in diameter a l'autezza dal pèz > 16 cm (er laina setga e laina manidla) vegn tagliada, pinada e/u apportada cun maschinas. Il contingent persunal da 30 Tfm per l'agen diever vegn er quintà, sche la persuna correspundenta exequeschà be lavurs parzialas (per. ex. be pinar u tagliar e/u apportar) tar l'utilisaziun da la laina.

Scolaziun fundamentalala minimala

La scolaziun fundamentalala vegn organisada da l'uffizi da guaud e privels da la natira. Ella cumpiglia in curs da taglialaina sco er in curs d'apport da laina (runar e cun suga) da mintgamai tschintg dis. La frequentaziun da quest curs fundamental è obligatoria per tutt che na satisfan betg a las pretensiuns minimalas per las lavurs da guaud ch'els vulan exequir. Per lavurers che vegnan engaschads be per lavurs da taglialaina basta il curs da taglialaina sco scolaziun fundamentalala minimala.

Finanziaziun

Il chantun e la confederaziun surpiglian ca. 70 % dals custs dals curs dals participants cun domicil resp. ch'en engaschads en il chantun. Ils custs restants per ils tschintg dis dal curs muntan per il curs da taglialaina a ca. fr. 300.- e per l'apport da laina a ca. fr. 450.- per candidat.

Finamiras da la scolaziun fundamentalala / Pretensiuns minimalas

Tgi che vegn engaschè sco taglialaina sto ..

- .. conuscher e pudair applitgar las reglas da la segirezza da lavur e da la protecziun da la sanadad tar la lavur da taglialaina;
- .. pudair manischar e mantegnair a moda cumpetenta la resgia a motor, la chadaina da quella ed ils utensils;
- .. pudair applitgar cunvegnentamain las reglas fundamentalas per pinar laina.

Tgi che vegn engaschè tar l'apport da laina sto ultra da quai ..

- .. conuscher las reglas da la segirezza da lavur e da la protecziun da la sanadad e pudair applitgar ellas tar il runar e l'apport cun suga;
- .. pudair applitgar las reglas fundamentalas da l'apport e dal deposit da laina;
- .. pudair duvrar e mantegnair ils meds per l'apport da laina a moda cunvegnenta;
- .. pudair impedir donns tras l'apport da laina.

Conclusiun / Conferma

Ils curs obligatoris vegnan concludids cun ina valitaziun dals participants. Candidats che na cuntanschan betg las finamiras dal curs pon giavischar da l'uffizi da guaud e privels da la natira entaifer in onn ina valitaziun finala. Ils custs da las valitaziuns supplementaras portan ils candidats.

Tuttas frequentaziuns da curs e las valitaziuns vegnan confermadas en scrit da l'uffizi da guaud e privels da la natira. La conferma da la conclusiun cun success d'in curs fundamental obligatori respectiv ina valitaziun positiva dat il dretg al lavurer pertutgà da veginr engaschè professiunalmain tar lavurs correspondentes da racolta da laina en il chantun Grischun.

Lavurers che disponan d'ina scolaziun equivalenta ad in curs fundamental e da las qualificaziuns correspondentes, obtegnan sin dumonda la conferma da l'uffizi da guaud e privels da la natira. In formular per la dumonda correspondentia po veginr retratg da l'uffizi da guaud e privels da la natira. En cas da dubi vegni ordinà in'uatga.

Scolaziun equivalenta

Sco scolaziun equivalenta vegni renconuschì:

Taglialaina: Frequentaziun d'in curs da taglialaina d'almain tschintg dis (certificat dal curs) avant 1996 u almain 30 mais experientscha sco taglialaina durant il temp dal 1.1.1991 fin als 31.12.1995.

Apport da laina: Frequentaziun d'in curs d'apport da laina d'almain tschintg dis (certificat dal curs) avant 1996 u almain 30 dis experientscha sco taglialaina ed en l'apport da laina durant il temp dal 1.1.1991 fin als 31.12.1995.

Curs senza valitaziun che vegnan absolvids suenter l'entrada en vigur da la LCG il 1.1.96, vegnan be acceptads sco equivalents, sche la frequentaziun dal curs è succedida avant l'engaschament en il chantun Grischun. La conferma da l'inspecturat po er veginr dada excepziunalmain, sch'il selvicultur da revier cumpetent attesta ad in lavurer da guaud, ch'el adempleschia las pretaisas minimalas senza l'experientscha prescritta per onn (p. ex. lavur correcta dapi onns senza accidents).

Engaschi senza conferma

Lavurers senza conferma ch'en s'annunziads per in curs fundamental u che han giavischà ina valitaziun finala da l'uffizi da guaud e privels da la natira, dastgan veginr engaschads correspondentiam sut surveglianza fin a quest curs resp. fin l'uatga. Els ston veginr annunziads al mandant avant ch'entschaiver cun la lavur.

Responsabladad / Controlla

Il patrun è responsabel che ses emploiadis disponian da la conferma necessaria. Patruns ch'engaschan repetidamain lavurers senza conferma, pon veginr chastiads (art. 60 LCG). Ils selviculturs cirquitals e da revier surveglian l'observaziun da questas prescripcziuns en lur cirquit resp. revier.

Post da contact

Uffizi forestal dal grischun, scolaziun, Beat Philipp
Tel. 081 257 38 66